

ՀՀ ԳԵՂԱՐՔՈՒՆԻՔԻ ՄԱՐԶԻ
ՎԱՐԴԱՁՈՐ ԳՅՈՒՂԱԿԱՆ ՀԱՄԱՅՆՔԻ
ՂԵԿԱՎԱՐԻ ՀԱՇՎԵՏՎՈՒԹՅՈՒՆԸ

01.01.2019թ. – 31.12.2019թ.
Ժամանակաշրջանի համար

Համայնքի ղեկավար՝ Ռ.Մ.ՍԻՐԱԿԱՆՅԱՆ

2019թ. ընթացքում առավել ուշադրություն է դարձվել համայնքի սոցիալ-տնտեսական, կրթության, գյուղատնտեսության, բնության և շրջակա միջավայրի պահպանության բնագավառներին:

Համայնքի բյուջեն կազմելիս լուրջ ուշադրություն է դարձվել սեփական եկամուտների /գույքահարկի, հողի հարկի, հողի վարձավճարի, տեղական տուրքերի վճարների/ հավաքագրման, բյուջեի սեփական եկամուտների մուտքերի ապահովման վրա: Որի արդյունքում համայնքի 2019թ. բյուջեն կատարվել է 100.4 տոկոսով: Ընդ որում՝ հողի հարկի հավաքագրումը կատարվել է 64 տոկոսով, գույքահարկը 97.1 տոկոսով, տեղական տուրքերն ու վճարները 62 տոկոսով: Սեփական եկամուտները կատարվել են 100.2 տոկոսով: Խնդրահարույց է մնում աղբահանության գծով վարձավճարների հավաքագրումը:

Հաշվետու ժամանակաշրջանում բյուջեի եկամտի պլանային մասը կազմել է 75462,0 հազ դրամ, ծախսային մասը՝ 75462,0 հազ դրամ, դրան ավելացվել է 2018թ. տարեվերջի 6849.7 հազ. դրամ մնացորդը:

Բյուջեի ծախսային մասը հաշվետու ժամանակաշրջանում նպատակաուղղվել է հետևյալ խնդիրների լուծմանը:

Աշխատավարձի գծով ծախսերը կազմել են՝ 24670.0 հազ.դրամ, 62944.0 հազ.դրամ կազմում է կոմունալ, գրասենյակային, մշակութային, նախադպրոցական ուսուցման, ծառայողական ավտոմեքենայի շահագործման, համայնքային ընդհանուր բնույթի ծառայությունների իրականացման ծախսերը, համայնքի պահուստային ֆոնդից 682.0 հազ դրամի օգնություն է տրվել համայնքի սակավ ապահովված շուրջ 30 ընտանիքների:

Նշված ծախսերի մեջ ներառված են մ/մանկապարտեզի (21535.6 հազ. դրամ) և մշակույթի կենտրոնի (5020.4 հազ. դրամ) ծախսերը:

2019թ. տարեկան բյուջեի տարեվերջի ազատ մնացորդը կազմել է 960.0 հազար դրամ:

Համայնքի բյուջեի եկամտային մասի կատարման գործում մեծ խոչնդոտ է համարվում այն հանգամանքը, որ համայնքի շատ բնակիչներ ընտանիքներով բացակայում են համայնքից, որի պատճառով նրանց գույքահարկի և հողի հարկի գծով պարտականությունները մնում են անկատար: Սակայն համայնքապետարանը մշտապես լուրջ աշխատանքները է կատարում

հարկերի հավաքագրման գործում, որի արդյունքում վերջին տարիներին անընդմեջ սեփական եկամուտների հավաքագրումը հասել է մոտ 100%-ի:

Լուրջ ուշադրություն է դարձվել համայնքի կոմունալ խնդիրներին: Կատարվել են բնակավայրի բարեկարգման, գյուղամիջյան և դաշտամիջյան ճանապարհների հարթեցման, պահպանության և շահագործման, ճամբեգրերի առուների կիսախողովակների տեղադրման, հեղեղատարների մաքրման, փողոցային լուսավորության ցանցի պահպանման աշխատանքներ:

2019թ. ընթացքում սուբվենցիոն ծրագրերով կիսախողովակներ են տեղադրվել համայնքի 17-րդ, 27-րդ և 28-րդ փողոցներում, որոնց ընդհանուր արժեքը կազմել է 13870.0 հազար դրամ: Նշված գումարից 4600.0 դրամը փոխանցվել է համայնքի բյուջեից, 9270.0 դրամը պետ. բյուջեից: Մի քանի թաղամասերում կատարվել են խմելու ջրագծերի նորոգման աշխատանքներ, որոնց արժեքը կազմել է 950.0 հազ. դրամ: Ամբողջ տարվա ընթացքում մշտապես բարելավվել են համայնքի երկրորդական նշանակության ճանապարհները, մաքրվել են համայնքի բոլոր ոռոգման առուներն ու հեղեղատարները: 2019թ.-ին տարածքային զարգացման հիմնադրամի և համայնքի բյուջեի միջոցներով վերանորոգվել է համայնքի խմելու ջրի կենտրոնական հավաքակայանը, որի համար համայնքի բյուջեից տրամադրել է 5500.0 հազ. դրամ:

Որպես համայնքի ղեկավար մեծ ուշադրություն են դարձրել ՀՀ օրենքները համայնքում տարածելու և դրանք կյանքի կոչելու գործին:

2019թ. սկսեց գործել համայնքի մանկապարտեզը: Համայնքապետարանը՝ որպես նոր ստեղծված հիմնարկի հիմնադիր իրականացրել են աշխատանքներ աշխատակազմի հավաքագրման, գույքի ձեռք բերման ուղղությամբ: Մանկապարտեզը ապահովվել է գրագետ և հոգատար աշխատակազմով, ձեռք է բերվել աշխատանքների ապահովման համար անհրաժեշտ գույք: Սաներին մատուցվել է թարմ և բարձորակ սնունդ: Ակտիվ աշխատանքներ են կատարվում մանկապարտեզի բակում նոր խաղահրապարակ կառուցելու ուղղությամբ, որի համար անհրաժեշտ է նաև բարերարների աջակցությունը:

Որպես համայնքի ղեկավար մշտապես համագործակցել եմ համայնքի գործարար անդամների հետ, որոնց շնորհիվ համայնքում լուծում են ստացել շատ կարևոր խնդիրներ:

Համայնքապետարանը ուշադրություն է դարձրել անասնաբուժական ծառայությանը, խստորեն պահանջելով կատարել հակահամաճարակային միջոցառումներ, նախապես կանխելով անասնազլխաքանակի մոտ հիվանդությունների առաջացումը:

Ելնելով անասնազլխաքանակից համայնքը ունի մեկ անասնաբույժ:

Համայնքի բյուջեի կատարման սպասարկումը իրականացվում է ֆինանսների նախարարության կենտրոնական գանձապետարանի բաժանմունքի կողմից, առանձին բյուջետային հաշվի համարով: Համապատասխան ֆինանսների հատկացումը կատարվել է համայնքի բյուջեի հաշվին առկա և բյուջեում նախատեսված միջոցների հաշվին:

Աշխատանքի սոցիալական ծառայության բնագավառում որպես պետության կողմից պատվիրակված լիազորություն կատարվել են համայնքի ընտանիքների ուսումնասիրություններ, որոնց արդյունքում կազմակերպվել է սոցիալական ծառայության գործունեությունը: Համայնքի սոցիալ- տնտեսապես անապահով և կարիքավոր 108 ընտանիքներ ընդգրկվել են «Փարոս» համակարգ:

Որպես պարտադիր լիազորություն հողօգտագործման բնագավառում իրականացրել եմ վերահսկման աշխատանքներ համայնքի վարչական սահմաններում գտնվող հողերի նպատակային օգտագործման վերաբերյալ՝ հողօգտագործողներից պահանջելով պահպանել հողային օրենսդրության պահանջները:

Հասարակական կարգի պահպանությունը համայնքում բարձր հիմքերի վրա է դրված: Իրավախախտումները հազվադեպ են, շնորհիվ բնակչության, և հատկապես երիտասարդության շրջանում մշտապես տարվող դաստիարակչական և ռազմահայրենասիրական աշխատանքների:

Քաղաքաշինության բնագավառում սահմանված կարգով իրականացրել եմ քաղաքաշինական աշխատանքները: Համայնքի տարածքում կանխվել և կասեցվել են ինքնական շինարարությունները:

Աստիճանաբար լուծվում են համայնքի սոցիալ- տնտեսական խնդիրները: Մշտապես աշխատանքներ են կատարվում կենցաղային պայմանների բարելավման ուղղությամբ: Դրանց արդյունքում գյուղի կենտրոնական փողոցը, դեպի գերեզմանատուն տանող ճանապարհը և գերեզմանատունը ամբողջությամբ, 14-րդ և 27-րդ փողոցները ապահովված են գիշերային լուսավորվածությամբ շուրջ 200 գիշերային լամպերով, գյուղի բոլոր թաղամասերը ապահովված են հիմնական գազատարերով, խմելու և ոռոգման ջրով:

Ցավոք պետք է նշեն, որ համայնքի բյուջեն հնարավորություն չի տալիս լուծելու այնպիսի հրատապ խնդիրներ, որոնք են`

1. Կենտրոնական ջրատար կանալի հիմնանորոգում,
2. Մշակույթի կենտրոնի շենքի վերանորոգումը,

Առաջնահերթ խնդիր է համարվում բերքահավաքի ճիշտ կազմակերպումը, որը լուրջ նշանակություն ունի բնակչության կենսամակարդակի ապահովման գործում: Համայնքապետարանի հացահատիկահավաք կոմբայնը ինչպես նախորդ տարիներին 2019թ. նույնպես ծառայություն է մատուցել համայնքի բնակիչներին շուկայականից զգալի ցածր գնով:

Հաշվետու ժամանակաշրջանում հրավիրվել են համայնքի ավագանու 13 հերթական և արտահերթ նիստեր, որոնց ընթացքում քննարկվել և հաստատվել է համայնքի բյուջեն, բյուջեի կատարողականը, կազմավորվել են ժամանակավոր և մշտական հանձնաժողովներ, հաստատվել են համայնքի ղեկավարի և աշխատակազմի դրույքաչափերը, տեղական տուրքերի դրույքաչափերը, համայնքային ենթակայության գույքի ցուցակները, համայնքի կողմից մատուցվող ծառայությունների վճարների չափերը, ընդունվել են համայնքի համար կենսական նշանակության այլ որոշումներ:

Որպես համայնքի ղեկավար կայացրել են որոշումներ բազմաթիվ կարևոր խնդիրների վերաբերյալ.

1. Հաստատել են համայնքի ՀԾ պաշտոնների անձնագրերը.
2. Կազմավորել են ՀԾ մրցութային և ատեստավորման հանձնաժողովները.
3. Կազմավորել են սահմանված կարգով հանձնաժողովներ ըստ բնագավառների.

4. Հաստատել են համայնքի ղեկավարի աշխատակազմի ներքին կարգապահական կանոնները.

5. Ընդունել են որոշումներ, որոնք բխում են համայնքի սոցիալ-տնտեսական շահերից:

Աշխատակազմի քարտուղարից մշտապես պահանջել են ժամանակին պատշաճ կերպով վարել համայնքապետարանի գրասենյակային գործունեությունը, ժամանակին ներկայացնել համապատասխան պետական մարմիններին պահանջվող փաստաթղթերը և տեղեկությունները, նախապատրաստել և կազմակերպել համայնքի անդամների ընդունելություններ:

2020թ. ընթացքում պատրաստվում ենք լուծելու շատ կարևոր խնդիրներ, որոնց իրագործելու նպատակով առաջին հերթին անհրաժեշտ է ավելի բարձրացնել համայնքի կառավարման արդյունավետությունը, պահովելով կատարվելիք աշխատանքների հրապարակայնությունը և բյուջեի իրականացման թափանցիկությունը: